

TARIKH	24 / 9 / 2012	SEKSYEN	Nasional
MUKA SURAT	15	RUANGAN	Setempat

# Doa buat tersayang

Pasangan suami isteri harap anak sakit mental pulih



**Lambaian Kaabah**

>>Oleh Fazurawati Che Lah  
fazurawati@hmetro.com.my

**K**ELANA JAYA: "Saya berharap pemergian ke Tanah Suci membawa perubahan baik terutama kepada anak bongsu kami yang mengalami masalah mental sejak 15 tahun lalu.

"Kami tidak sabar untuk berdoa di depan Kaabah dan meminta Allah SWT menghilangkan segala penderitaan dia," kata bakal jemaah haji, Halip Md Sudiman @ Mohammad, 65, dari Tanjung Sepet, Hulu Langat.

Menurutnya, dia dan isteri,



**HALIP..dua kali tolak tawaran**

Norainy Togimin, 58, sudah banyak kali membawa anak bongsu daripada empat beradik itu berubat secara moden atau tradisional, namun belum pulih seperti sedia kala.

Katanya, ada kalanya selepas berubat keadaan anaknya yang berusia 34 tahun itu semakin teruk menyebabkan dia dan isteri runting memikirkan nasib yang bakal

ditanggung puterinya itu selepas mereka berdua tiada kelak.

"Walaupun sayu dan berat hati untuk meninggalkan dia selama lebih sebulan, kami berasaskan ini peluang terbaik diberikan Tuhan sebagai tetamu-Nya.

"Kami reda dan berharap dia selamat di bawah penjagaan abang dan kakaknya sepanjang kami menunaikan ibadat haji," katanya ketika ditemui di Kompleks Tabung Haji di sini.

Katanya, sebelum ini dia terpaksa menolak dua tawaran mengerjakan rukun Islam kelima pada tahun lalu dan 2010 kerana keadaan kesihatan anaknya begitu teruk.

"Namun, kali ini anak-anak banyak memberi sokongan kepada kami dan berjanji akan menjaga dia dengan baik menyebabkan azam ke Tanah Suci berkobar-kobar," katanya.